



XUNTA DE GALICIA

VICEPRESIDENCIA PRIMEIRA E
CONSELLERÍA DE PRESIDENCIA,
XUSTIZA E TURISMO



CONVENIO DE COLABORACIÓN ENTRE A AXENCIA TURISMO DE GALICIA E O CONCELLO DE LOUSAME PARA O ACONDICIONAMENTO DE BENS PATRIMONIAIS DO CONCELLO PARA A SÚA POSTA EN VALOR TURÍSTICA

MEMORIA XUSTIFICATIVA

O xerente de Turismo de Galicia

DECLARA:

Que esta Axencia Turismo de Galicia formalizou co Concello de Lousame o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2020.

Que o instrumento convencional ten por obxecto establecer o marco de colaboración entre Axencia Turismo de Galicia e o concello de Lousame para o acondicionamento do Castro de Comparada e a Ponte de Berrimes, bens patrimoniais do concello, para a súa posta en valor turística.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- Que ao abeiro do disposto na Lei 5/1997, do 22 de xullo, de Administración local de Galicia, a Xunta de Galicia e as entidades locais poderán celebrar convenios de colaboración entre si para a máis eficaz xestión e prestación de servizos da súa competencia, podendo coordinar as súas políticas de fomento dirixidas a un mesmo sector, executar puntualmente obras ou servizos e adoptar as medidas oportunas para acadar calquera outra finalidade de contido análogo.

Que os concellos, segundo se sinala no artigo 25.2.h) da Lei 7/1985, do 2 de abril, reguladora das bases de réxime local, posto en relación coa Lei 7/2011, do 27 de outubro, do turismo de Galicia, teñen competencias en materia de turismo, en concreto a *"información e promoción da actividade turística de interese e ámbito local"*.

Segundo.- Que o artigo 148.1.18ª da Constitución establece como competencias da



Xacobeo 2021





XUNTA DE GALICIA

VICEPRESIDENCIA PRIMEIRA E
CONSELLERÍA DE PRESIDENCIA,
XUSTIZA E TURISMO

galicia

Administración Xeral do Estado que poderán asumir as Comunidades Autónomas, a relativa á promoción e ordenación do turismo no seu ámbito territorial.

Que a Comunidade Autónoma de Galicia ten competencias, con carácter exclusivo, tal e como se desprende do contido do seu Estatuto de Autonomía, en materia de promoción e ordenación do turismo dentro da comunidade (artigo 27.21).

Que a Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, é a entidade pública instrumental da Comunidade Autónoma de Galicia que se crea co obxectivo de impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade e a conservación e promoción dos camiños de Santiago.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos. No exercicio das súas funcións correspóndelle executar as medidas definidas para a promoción e fomento do sector turístico de Galicia, levar a cabo plans e programas de acción e colaborar no desenvolvemento de actuacións que lle permitan acadar os seus obxectivos.

Co obxecto de promover o turismo no concello, as partes consideran esencial colaborar na realización deste convenio, xa que se trata dunha acción de interese común. Todo isto, englobase ademais no eido competencial da Axencia Turismo de Galicia, no seu programa 761A.

Terceiro.- Que o concello de Lousame proxecta o acondicionamento dalgúns dos bens patrimoniais que se atopan no seu territorio para a súa posta en valor turística.

Por un lado pretende o **acondicionamento, limpeza, sinalización e accesibilidade do Castro de Comparada.**

Entre o rico patrimonio cultural do concello de Lousame atópase o Castro de Comparada. Trátase dun asentamento defensivo da Idade do Ferro-Época Galaicorromana de forma ovalada, asentado nun val sobre un esporón con vertente cara o río Vilacova.

Presenta unha croa de forma circular e varias liñas defensivas, unha muralla que a rodea,



Xacobeo 2021





XUNTA DE GALICIA

VICEPRESIDENCIA PRIMEIRA E
CONSELLERÍA DE PRESIDENCIA,
XUSTIZA E TURISMO

galicia

parapetos, unha plataforma e un foso. Ten un desnivel máis acusado pola beira N cara o río. As súas medidas son de 70 m no eixo N a S e de 80 m no eixo E-V. Foron localizados varios muíños de man e diferentes obxectos de metal e cerámica durante tarefas agrícolas realizadas no interior da croa. Próximo a el atópase o Castro de Servia, á outra beira do río Vilacova.

O Castro posúe grande potencialidade ao conservar practicamente intacta a súa configuración básica orixinal e trazado defensivo. De feito a día de hoxe son totalmente perceptibles os seus elementos defensivos principais como a muralla que rodea a croa, na que se aprecia a estrutura muraria de cachotería orixinal, o parapeto externo da mesma, foso perimetral con abruptas e fondas pendentes, así coma dous recintos defensivos con senllas terrazas internas cara o N e delimitados polo río.

Trátase dun xacemento característico da Idade do Ferro-Época Galaicorromana, cunhas óptimas condicións de conservación e monumentalidade, supoñendo un recurso turístico do concello e tamén da nosa Comunidade Autónoma.

A actuación que se pretende realizar a través do presente convenio ten como obxectivos o acondicionamento, limpeza, accesibilidade, sinalización e posta en valor do Castro de Comparada e a súa contorna inmediata, tendo en conta os recursos paisaxísticos, históricos e tradicionais dos espazos dos que forma parte, entre estes o río de Vilacoba, así coma da infraestrutura viaria. A proposta baséase en criterios de sostibilidade, conservacionistas e de respecto polo medio natural e patrimonial.

Tales obxectivos desenvolveranse en tres fases:

- Adecuación do acceso principal
- Limpeza, tala e retirada de vexetación do castro
- Documentación e sinalización

Por outro, proxecta o **acondicionamento do entorno, limpeza e posta en valor da Ponte de Berrimes.**

A ponte histórica de Berrines é unha obra de fábrica antiga, seguramente de orixe baixo medieval, aínda que a súa aparencia actual semella de Época Moderna.

A obra antiga consiste nun arco de medio punto con dous estribos de cantaría no intradós



Xacobeo 2021





XUNTA DE GALICIA

VICEPRESIDENCIA PRIMEIRA E
CONSELLERÍA DE PRESIDENCIA,
XUSTIZA E TURISMO

galicia

e bóveda, cunha superestrutura de cachotería. Nalgúns puntos da plataforma aprécianse laxas que indicarán a existencia dun pavimento enlousado.

Pola súa beleza, interese arquitectónico, papel histórico e doado acceso e contemplación constitúe un magnífico recurso cultural e turístico, próximo ás cabezas dos concellos de Lousame e Noia á beira dunha das súas vías de comunicación. Estas características outorgan á área importantes valores deste o punto de vista paisaxístico, patrimonial e turístico.

A actuación a realizar ten como obxectivo o acondicionamento, limpeza e posta en valor da Ponte de Berrimes e o entorno inmediato, a través das seguintes accións:

- Limpeza de vexetación, sedimentos e desbroce
- Limpeza de estruturas e recuperación do enlousado da ponte
- Recolocación de pezas orixinais de cantaría
- Sinalética
- Panel explicativo

Cuarto.- Que o Plan Estratéxico do Turismo de Galicia 2020 constrúese co propósito de consolidar un destino competitivo, cun gran valor estratéxico na economía galega.

En consecuencia, ambas partes acordan subscribir o presente convenio con suxeición ás seguintes

Que a través deste convenio, outórgase ao Concello de Lousame unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei



Xacobeo 2021





XUNTA DE GALICIA

VICEPRESIDENCIA PRIMEIRA E
CONSELLERÍA DE PRESIDENCIA,
XUSTIZA E TURISMO

galicia

1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

O xerente de Turismo de Galicia

Emilio José de la iglesia Lema



Xacobeo 2021

